



Në muajin

madhështor të Ramazanit muslimania duhet ta shfrytëzojë kohën në atë çfarë i sjellë fitim dhe lumturi në Ditën e Kiametit, dhe t'i pasurojë ditët dhe netët me atë çfarë e afron afër xhenetit dhe e largon nga zjarri i xhehenemit.

Kjo bëhet duke iu bindur urdhrave të Allahut dhe duke u larguar nga ndalesat e Tij.

Që femra të jetë e kujdesshme për kohën e saj në këtë muaj duhet të ketë parasysh pikat që vijnë:

- 1- Mos të dalë nga shtëpia vetëm në rast nevojë ose për bindje ndaj Allahut.
- 2- Të largohet nga shkuarja në treg dhe në veçanti në dhjetëditëshin e fundit të Ramazanit. Të mundohet që rrobat e Bajramit t'i blejë më përpara.
- 3- T'iu largohet vizitave pa arsye, dhe nëse donë ta vizitojë ndonjë të sëmurë të mundohet që mos ta zgjasë ndejën.
- 4- T'u largohet mexhliseve të këqija, si: mexhliseve të gibeitit , të thashethemeve, të rrenës, të përqeshjes dhe mexhliseve të shpifjes ndaj të tjerëve.
- 5- Të mos e humb kohën duke parë filma dhe telenovela ose duke i ndjekur kanalet televizive.
- 6- Të mos rri e zgjuar deri në agim, sepse, mund t'i kalojnë namazet pa i falur pasi ajo do të rri duke fjetur gjatë ditës.

7- Të largohet nga shoqëria e keqe.

8- Të ketë kujdes që mos ta kalojë shumicën e ditës në gjumë, pasi disa prej njerëzve flejnë pas sabahut dhe nuk zgjohen deri afër akshamit, e çfarë agjërimi është ky?!

9- Të mos humb shumë kohë në përgatitjen e ushqimit.

10- Të mos e humb shumë kohën duke u zbukuruar dhe duke u angazhuar me rrobat ose duke qëndruar para pasqyrës.

11- Të mos e humb kohën në biseda të gjata telefonike.

12- Të ketë kujdes nga bisedat që çojnë në konflikt se nuk ka dobi prej tyre por vetëm humbje kohe dhe rënie në haram. Dhe, nëse dikush i bën thirrje për konflikt ose e sulmon, vetëm le t'i thotë se është agjërueshëm.

Përktheu: Merita Rexha - Pertymoter.net